



SAKSPAPIR

Saksnr	Utval	Type	Dato
15/2019	Formannskap/plan- og økonomiutvalet	PS	25.03.2019

Sakshandsamar	Arkiv	ArkivsakID
Tore Henrik øye	FA-K40	18/1611

HØYRINGSFRAMLEGG OM KOMMUNALE MÅL FOR HJORTEFORVALTNINGA I VAKSDAL KOMMUNE, 2019 - 2023

Vedlegg:

Temaplan hjorteforvaltning Vaksdal Høyring

Rådmannen sitt framlegg til vedtak:

Rådmannen sitt framlegg til kommunal temaplan om hjorteforvaltning i Vaksdal kommune 2019-2023, med overordna mål for forvaltninga, vert sendt på høyring til lokale hjortevald, lokale faglag i landbruket, nabokommunar, Hordaland fylkeskommune og Fylkesmannen i Vestland etter § 3 i Forskrift om forvaltning av hjortevilt.

Høyring skal kunngjerast i Vaksdalposten og leggjast ut på Vaksdal kommune sine nettsider. Strategien skal vere tilgjengelege i Innbyggjarservice for offentleg ettersyn.

Høyringsfristen vert sett til tre veker.

Etter høyringsrunden skal rådmannen presentere ei samanstilling og vurdering av innkomne uttalar, med endeleg framlegg til temaplan, som grunnlag for politisk vedtak i kommunestyret. Alle uttalanane skal leggjast ved saka.

Saksopplysningar:

Samandrag/konklusjon (kort om saka)

Kommuneadministrasjonen har utarbeidd framlegg til kommunale mål for hjorteforvaltninga i Vaksdal kommune i tråd med kravet i Forskrift om forvaltning av hjortevilt, § 3. Måla skal danne overordna rammer og grunnlag for jaktrettshavarane si privatrettslege forvaltning gjennom bestandsplanar. Planframlegget vert no lagt fram for formannskapet til godkjenning, før utsending på høyring til interessepartar.

Bakgrunn for saka

I følgje Forskrift om forvaltning av hjortevilt, § 3, skal kommunen vedta mål for utviklinga av

hjorteviltartane det er jakt på i kommunen. For Vaksdal kommune sin del, dreier det seg om hjort.

Forskrifta seier at forvaltingsmåla mellom anna skal ta omsyn til opplysingar om beitegrunnlag, bestandsutvikling, skadar på naturmangfald, jord- og skogbruk, og omfanget av viltulykker på veg og bane.

I rundskrivet til forskrifta (M-478) går det fram at kommunen sine mål for utviklinga, bør utarbeidast og vedtakast gjennom kommunale eller interkommunale planar. Det er opp til kommunen sjølv korleis måla vert forankra i det kommunale systemet.

Rundskrivet strekar under at dei kommunale måla som vert vedtekne, må vere konkrete og mogelege å måle. Måla bør difor vere realistiske og ha ei tidsramme, slik at dei kan evaluerast. Vidare er det viktig at måla fungerer som tydelege retningslinjer for jaktrettshavarar som ønskjer å utarbeide bestandsplanar. Kommunen sine mål bør difor utviklast i tett kontakt med rettshavargruppa, i tillegg jegerorganisasjonar. Kommunen har òg ansvar for å sikre at andre interesser får høve til medverknad.

Formelt grunnlag

- Lov om jakt og fangst av vilt (viltlova), LOV-1981-05-29-38.
- Forskrift om forvaltning av hjortevilt, FOR-2016-01-08-12.

Vurdering og konsekvensar

Vaksdal kommune har ikkje vedteke mål for den kommunale hjorteforvaltninga. Det er difor viktig å få overordna mål på plass, som grunnlag for målretta bestandsstyring og planbaserte forvaltning i regi av rettshavarane. Den private forvaltninga består i dag av to bestandsplanområde som tel 14 vald i Vaksdal kommune. Planområda skal lage nye bestandsplanar frå og med jakta i 2019.

Planframlegget er utarbeidd med bakgrunn i føringane i hjorteviltforskrifta og tilhøyrande rundskriv. Framlegget inneheld statusdel og målformuleringar med tiltaksdel. Statusdelen byggjer på rapport om biologisk grunnlag, utarbeidd av Svanøy hjortesenter på oppdrag frå kommunen.

Historisk fellingsstatistikk, «Sett hjort»-registreringar, «Vårteljingar», lokalkunnskap og andre aktuelle kjelder, danner grunnlaget for statusdelen. Denne delen skildrar dagens bestandssituasjon og gjeldande problemstillingar/utfordringar.

Erfaringar og tilgjengeleg bestandsinformasjon fortel om bestandsvekst og høg tettleik av hjort, med vesentlege skadar for jordbruket som resultat. Ut frå dette, og Staten si oppmoding om å redusere hjorteviltbestandane for å hindre utbreiing av Skrantesjuke, er målet å redusere hjorteviltbestandane i kommunen. Målsetjinga er å etablere sunne og robuste bestandar, med ein tettleik som ikkje gjev vesentlege skadar på jordbruket eller andre samfunnsinteresser, og som er tilpassa naturgrunnlaget.

For nærare og meir detaljert informasjon, vert det vist til sjølve planframlegget.

Det er lagt opp til at forvaltningsplanen får status som temaplan.

Det er ikkje etablert arbeidsgruppa for utarbeiding av planen, men rettshavar- og jegergruppa er informert om planarbeidet, som grunnlag for mogelege innspel.